

Maninkakan

Dununa Benkanma Kaben Adamadenya Sariyalu ma Adamadenya lasabati ni a lawuriki sariyalu ma

ηε Sebe

A jateyada ko fabadenna tomasere le ye, horoya ni telen ani jususuma di dununa do,

A jateyada ko adamaya lasabati lonbaliya ni a la gboyanε kεda sababu di ka moolu lamuriti, ka moolu kunnafulen, ka alu lo horoya nininna a ni ka alu bo misikinaya do,

A jateyada ko adamaya lakanda ye wajibi le di, fo jamana ye ke jamana dafani le di sariya bolo ma, wole ye a kela moolu te muriti ka don jede makadan waa la,

A jateyada ko jamanalu la tɛɛbɛn ni alu la kaninteya ye fen ne di mɛn kakan ka sɛnbɛnteya,

A jateyada ko jamana mɛnnu ye "ONU" dɛkuruba kɔnɔ, wolu bara alu kan di ko alu di adamaden nakadan, ka a lawuriki ka ban ka cɛ ni muso lakana ko bɛε dɔ.

A jateyada ko alu bara alu kan di fana, ko alu di adamaya lafasa, ka adamaden la horoya dafa sila bεε kan,

A jateyada ko bεε bɛnni miriya kelen ma, ka a lɔ adamaya lasabati ma, wo ye wajibi le di bεε pɛ, walako miriya wo ye se lataamala sila bεε kan, "ONU" gbaraba bara a kan di: ko adamaden lakanda sariya pin bara kɛ dununa bɛɛ ye wajibi di, sa bɛɛ ye a to i hankili la, ka i tɛsidi, ka mɔɔlu karan a la, ka alu joodon a la, ka a latinma jamanala tɛ.

Sariya 1:

Adamadennu bee sodonna kakan, horoya do, fabadenna do ani sariya ta fan do. Hankili ni sonome ye alu bee ma, a kakan wo do alu ye bakelenna sila lataaman alu noon te.

Sariya 2 nan :

Moo kelen kelenna bεε ni adamaden lakadan sariya kakan, i keda moo suusu di, i sii te mafene nna, i fadikolo te mafenenna, i kan te mafenenna, i la dina te mafenenna, i la jamana mara hankili te mafenenna, i sodondiya te mafenenna.

Ani fana jamanalu suuya te danbola ka a ben sariya wolu ma, alu mara hankili keda a suusu di, alu ma ke jamanalu horoyani di, alu keda mara suusu kono.

Sariya 3 nan :

Adamaden kelen kelenna bεε nii kakan ka lakanda, ka a la hɔrɔya lakanda, ka a kun nakanda.

Sariya 4 nan :

Moo si makan ka kε jon di, ka kε bolokono moo di, jonna ni jonsan sila bεε bara laton.

Sariya 5 nan :

Jankankata suusu ma kan ka sii moo la min di se fɛ siila a la adamadenna la, ka a kunnajii.

Sariya 6 nan :

Adamaden kelen kelenna bεε la mooya ka kan ka lon a με sariya kunda bεε la, a kεda fanfan di.

Sariya 7 nan:

Moo bεε ka kan sariya na kodo, a kakan fanan bεε ye mabεn na kelen ma sariya bolo. Moo makan ka lafisaya moo di ka bεn sariya nin lataamana ma.

Sariya 8 nan :

Moo bεε di se i makasila i la jamana sariya bonnu la ni bila kεda i la toneli sila ma, ni wo te sariya sila ma.

Sariya 9 nan :

Moo si te se minala ten, ka a don kaso la hamante ka gben a la jamana kono ni kun te a la.

Sariya 10 nan:

A wajibiyani, adamaden na ko ye kε ko hakika di, ka a lankεnεmaya kitibon na telen konoma, ka a jo ni a jalaki danfaranbo.

Sariya 11 nan:

- 1. Moo moo ni a midada sikala sariya bolo ma, a kakan de ka jate folo ko a son te a do, han kitibon ye a jalaki lankenemaya.
- 2. Moo moo na a midada sariya kodo bolo ma, sariya kuda sila ma kanka lo a ma. Ani fana a la midali fanka ma kan ka tanbi sariya kodo jate la.

Sariya 12 nan :

Moo ma kan ka a bila a moo noo la kolu do ten; ka bo a la denbaya kolu ma, a la gbundu sεbεlu, ka wa sii a la lu kono kolu

la. A ma kan ka a dantinεn, a ma kan ka a suma gboya. Sariya ka kan ka bεε lakanda ko suu wolu ma.

Sariya 13 nan :

- 1. Taa ni seyi dahani bεε ye jamana kono. Jamana yoro yoro fana ka idiya, idise i siila yen.
- 2. Moo bee dise kabo jamana kono, a keda a fabada di, a keda jamana gbede di, ka ban ka a koseyi.

Sariya 14 nan :

- 1. Dannatanbi kolu kɔdɔ, bεε di se l kun karifa diya pinina jamana gbεdεdɔ, i don ma kan ka jɛn a la.
- 2. Ni sariya lonin te moo ma, moo men na a la jamana sariya tinenna ka a bori.

Sariya 15 nan :

- 1. Moo bεε kakan ka kε jamanado jamanaden di.
- 2. Moo si tese ka jen a la jamana denna la, i don dise fanan jamana gbede denna sodonna.

Sariya 16 nan :

1. Ni alu sii seda a ma, kamarennu ni den musolu di se fudula noon ma, sinooya tε a do, dina ko tε a do. Alu bεε kakan sariya na kodo ko bεε do, fudu bolo ma.

- 2. Fudutesidialutefoalufilabeebabenama.
- 3. Denbaya le ye jama tɛfɛden di. Wodo, a kakankalakandajamana bolo.

Sariya 17 nan :

- 1. Moomoo, a keda a kelenna, a kedajamado, a di se ka a ta sodon.
- 2. Moo si bolo fen ma kan ka mina a la fanka bolo ma.

Sariya 18 nan :

Hankili lamiri, sonomε lamiri ani dina lawasanin bεε ye. I di se ka i diyananta ta dinalu do, ka a silalu lataama.

Sariya 19 nan :

A lawasanin bee ye ka a miriya jida, foli do, sebeli do, ka hankili ninin fan bee, sila bee fe. Ko si ma kan ka ke moo la wo si do.

Sariya 20 nan :

- 1. A lawasani bee ye ko noonnadee, kunado, kewalido men ni janfa sila te kelen di.
- 2. Moo moo tese karaba la ka a ladon deedo, dee min man di a με.

Sariya 21 nan :

- 1. Jamanaden bɛɛ di se kɛla jamana kantii di, a yɛdɛkani wala a la mɔɔ suwandini.
- 2. Jamanaden bee kakan jamana baarakundalu do bolo kelen ma.
- 3. Jamana kantiilu fanka siini jamana den na lannaya le ma; jamanadennu ye alu sawo yidala wote ni wote le, ka ala lannaya moolu suwandi telen ni sariya do.

Sariya 22 nan :

Jamana bɛɛ kakan ka jamanadennu lakanda na kelen ma. Sɔdɔn sila fɛ, dariya sila fɛ, lɔnni sila fɛ, lakandali wo ye bɔla jamana boloko le dɔ ani a ye min sɔdɔnna ani jamana gbɛdɛlu la baaranɔɔya dɔ.

Sariya 23 nan :

- 1. Βεε kakan ka baara sodon, ka baara kε sonoyado, baaramendumanine; bεεkakankalatankabaaratanna ma jamanakono.
- 2. Baara mεnnu jate kakan, wolu kakan ka sarana kelen ne ma a kεbaalu ve.
- 3. Baara kakan ka sara sodon, sara mɛn di baarala ni a la denbaya balo hali a ma dɛsɛ.
- 4. Baaralalu la noon nakafo dahani alu ye, alu la munanfan makadan sila fε.

Sariya 24 nan :

Nooponni ni panatε wajibiyani baarala bεε ye, mεn ni sara tεε tε kelen di.

Sariya 25 nan :

- 1. Se wajibiyanibεε ye, se mɛn di ani a la denbayadaha, ka alu kisi kɔnkɔn ma, kaaludafiyabɔ, kalaujiya, ka alu danda nani ka alu musakaluna. Ni jankaro ni baaratanna ani misikinaya latεε suusu se da a ma, i kakan ka makadan.
- 2. Denbatiini a den kakan ka madɛmɛn; den sɔdɔn da fudu dɔ, a ma sɔdɔn fududɔ, a bɛɛ kakan.

Sariya 26 nan :

- 1. Kakan wajibiyani bee ye, a don ma kan kasara katere karan saarafoloni a filanan ma. Karan saara folo ye wajibi le di bee ye. Baara makaran kakan ka a lawanka. Bee kakan ka karan saarana ani nan masodon teesidi bolo le ma.
 - 2. Karan kakan ka mɔɔ lawanka, ka a la mɔɔya lasabati, ka a la hɔrɔya lawasa. A kakan ka a kɛ sababu di ka pɔɔnnagboyapɛ boloka, ka hina ni teripɔɔya ladon dunupadɔ, siyalu tɛ, dinalu tɛ, ka "ONU" dɛɛkuruba madɛmɛn bɛn nadon na dunupa kɔnɔ.
 - 3. A dahani denbatiilu ye ka alu den bila karanna, karan mɛn duman alu ye.

Sariya 27 nan :

- 1. A wajibiyani bεε ye katεrεi la jamana lonniko bεεdo han ka a tonosodon.
- 2. Bɛɛ la baara tono kakan ka lakanda, a kɛda sɛbɛ di, a kɛda lonni suusu di.

Sariya 28 nan :

A dahani jamana bee ye ka bo sila di, sila men di sariya pinnu lakanda ka ke kunnafulen di adamadennu ma.

Sariya 29 nan :

- 1. Bolo koyinin kelen tε bετε ta, wodo, bεε kakan ka kolo i la jamana με.
- 2. Jamana dafanido, bεε kakan ka to sariya le ko walako l kana bila dolu tonεdo.
- 3. Sariya pinnu kakan ka lataaman "ONU" deekuruba la miriya le kan. A makan ka lataaman miriyagbede kan.

Sariya 30 nan :

Dalilu site moo bolo, a te jamana bolo, kabo sila di, sila men di sariyaba men tinen.

